

03.12.2019.



Danas je u Ministarstvu privrede Bosansko-podrinjskog kantona Goražde upriličeno potpisivanje ugovora o dodjeli sredstava za podršku razvoja neprofitnih organizacija s područja Bosansko-podrinjskog kantona Goražde za 2019. godinu.

Ugovore su potpisali ministar privrede Mensad Arnaut i predstavnici četiri neprofitne organizacije s područja ovog kantona.

U proteklom periodu, Ministarstvo je raspisalo javni poziv za dostavljanje prijedloga zahtjeva za

finansiranje iz Programa utroška sredstava Ministarstva za privredu Bosansko-podrinjskog kantona Goražde za podršku razvoju neprofitnih organizacija Bosansko-podrinjskog kantona Goražde za 2019. godinu. Sredstva su planirana u budžetu za 2019. godinu i po planu i programu određen je iznos od 15. 000 KM.



„Na javni poziv mogli su da se prijave neprofitne organizacije i druga udruženja kao što su: Udruženje poslodavaca, Privredna komora, Obrtnička komora i Udruženje Stari zanati. Komisija je utvrdila da četiri aplikacije koje su pristigle nakon javnog poziva ispunjavaju uslove koji su traženi tako da je izvršena raspodjela sredstava. Tri neprofitne organizacije, tačnije Udruženje poslodavaca, Obrtnička komora i Privredna komora u ovom projektu dobili su po 4. 000 KM, a Udruženje Stari zanati 3. 000 KM. Danas je upriličeno potpisivanje ugovora sa iznosom koji je ministarstvo moglo izdvojiti i nadam se da ćemo u narednom periodu ići na povećanje sredstava“ - izjavio je ministar Mensad Arnaut.

